

新安先集



新安先集卷第十八

朱為燮

湖縣附貢生著 有傳 戶部詩集

書

書

郭麐靈芬館詩話

某堂精於考證能識古文奇字而詩不多作理堂讀書於曼生官署余歲訪灑上與數晨夕學以兄

禮見事有作必就余評時同用蘇公韻作遊善卷試陽羨

茶詩皆工又和余送春詩云閒愁如草那能刪載酒江湖未

擬還但道子規聽不得有人樓上唱刀鏗又題櫻筍蠶豆落

面云野人相送休嫌少太守雖饑未是貪豆漿漸肥花乍落

些些風味是江南清婉莘縣殊有金風亭長風味 理堂贈

澄名場少所遇合昨歲以病歸里今來訪余于袁浦出近詩

見示多半落抑塞之詩兩齋題壁云舊遊已滅投入刺新著

兼刪罵鬼文安園云花香著地秋無跡樹影搖窗月有聲寄

曼生云廣廈置身呼負負名山退

步悔遲遲旅人羈客讀之淒然

陳鴻壽題傳戶圖詩 皴雲未見見蒼雲絕勝奇壘倚夕曛

他日當湖訪傳戶故應袍笏拜清芬自注皴雲戶查氏技物

蒼雲戶今在溧陽

新安先集卷十八

雪

朝看風雪復連天雲樹漠漠萬點煙籬畔青青君子竹耐寒不肯受人憐

待雪

漠漠濃陰覆四圍西風昨夜到柴扉梅花尙欠三分綻明月全藏一鏡輝客散獨尋孤鶴去天寒閒看暮鴉歸來朝六出應飛徧渙艇回時失釣磯

掃雪

朝來平地起樓臺猶見霏霏糝粉石苔青刺遠峯畱不住白鋪三徑掃難開強攜做帶嘔童嬾急啟柴扉待鶴回屐齒聲聲凝望處隔

籬一笑故人來

歲暮登尺五樓感懷

滿眼江山入望來分明尺五當移臺無端欲掣西州淚畢竟誰如
東閣才寒影漸拳林外雀春風先漏雪中梅竹西雷滯不歸去臘
鼓頻催亦自猜

送沈大瘦峯南歸

客中送客難爲別况復君歸是故鄉瓜步青山飛彩鷁蕪城落葉
亂斜陽妻孥寄食家何戀貧賤交情久莫忘相約雞鐙重話舊陳
遵而外有江郎謂阮香及仲恬表兄

三家兄有南歸之信書此却寄

新安先集卷十八

二

便甘三黜非瓠落金闕觚稜夢未通欲覓烏巢悲故壘待書驢券
犯西風江湖不分從渙隱兄弟無端類櫻蓬作賦梁園盛詞客南
來何事不怏怏謂劉洵芳先生

寄沈大瘦峯沐陽

與子同疆理偏從異地親向人肝膽共謂我性情眞茅店荒雞雨
芳郊匹馬春片帆南下水雲樹罨前津

瘦沈今何似臨風轉惱予僅成千里別而乏數行書李子情徒切
稽生跡自疎韋弦交費在爲問爾何如

作客來刊上知君滯厚邱休文工作賦王粲獨登樓計拙偏輸我
愁多況是秋猪肝能不累重上古揚州

題錢十七撫松圖

落落難為偶，蒼髯閱古今。泉明成獨契，之子亦遐心。江月松風句，元虞士錢思復集名。高山流水音寥寥，知己感繁薄。住清陰。

將作廣陵之行書以誌別

欲住難留去路賒，踈狂如我亦天涯。馬周相術書多媿，張儉依人計總差。五處鄉情天上月，半生心事霧中花。做裝猶憶慈親補，檢點行裝淚似麻。

揚州感懷

江關蕭瑟庾蘭成，僕僕飢驅赴客程。舊事那堪春夢改，新愁猶似夜潮生。江豚吹浪無相急，秋燕銜泥亦自輕。瓜步青山明歷歷，扁

新安先集卷十八

舟今日又蕪城

楊子堅以詩見贈書成二律酬之

存一

來下陳蕃楊謂陳曼生荒雞喔喔聲文章，知己淚貧賤一身輕。無計離鄉國，多方仗友生。同袍能有幾，惜別問鷗盟。

喜晤黃大荻渙於邗江旅館

剛占十日鯉魚風，那料相逢蓋中鷗。鷺忘機秋水白，江山放眼夕陽紅。鬚眉猶認狂奴態，出處因嗟遠道窮。話到阿兄牽別恨，燕

臺鞍馬未匆匆

并柬三兄都下

三兄返自都下書樵大兄招同黃荻渙至汪春岩太守處作

竟日譚舊雨，乍逢弟兄話。撫今追昔不能無詩。

甫脫征衣欣握手汪倫珍重酒盈卮况逢舊雨傾肝膈謂款小住
郵亭記別離明月二分鬢客恨梅花萬樹酒人詩子由偏我非鄉
國風雨連床作別時

午日作

一桁榴花驚過眼淹留此處又端陽壯懷枉蓄三年艾異地愁開
五日觴軟軟香羅輕白雪溶溶梅雨隔紅牆最無聊賴憑支遣擬
乞陰晴草綠章

偕孫雨村

若霖

西郊看菊

野人癖嗜泉明種鹿眼色籬短短裁天亦有情憐客瘦花何妨淡
帶霜開鄉園屢負茱萸會異地同傾竹葉杯一笑西風食小立明

新安先集卷十八

四

朝還約爾重來

題沈西離孝廉

嵩

月下聯吟圖

如珠好語似秦嘉攀絮聯吟興正賒風露滿身渾不覺一鉤斜月
上臆紗

送趙雪門庶常

鉞

之京師

題襟湖上記前游夙有盟言到白鷗豈僅文章高大厯若云事業
亦千秋諸公袞袞長安市嘆我勞勞不繫舟此去僂鴻如可託音
書早到仲宣樓

留別聽香艷小廷仲恬犀泉子若諸君

實有家人意良朋敦古歡懷歸非得已小別亦云難出處同蚊睫

功名竟鼠肝勞勞舟不繫江上雪初殘

題春雨樓圖爲雨村作

春雨樓其尊人蓮水先生讀書處也

暮笛桓伊悵未窮吟樓無恙綠陰中當年詞賦輕餘子六代江山

欠此公簾角飄殘紅藥雨墓頭吹起白楊風題襟往事成追憶破

楚城西一笑同

甲子春識蓮水先生於吳門至今已十年矣

風水聲中繫夢思窮圖合倩虎頭癡先生有子文能壽何地無才

此獨奇寂寞黃墟思舊賦淒涼朱萼補亾詩燕臺有客頻題札猶

話聯床儉府時

謂孟氏某堂

十年不泛東湖矣發棹蘆川道經湖上風光似簪花柳勝妍

而我二三鷗盟或出或處離合無常不復鼓提壺之興矣

新安先集卷十八

五

憮然成七律一首感時亦自對也

閒來偶泛槳頭船湖上寒波急暮天燕子不來春寂寞梅花開後

雨連綿弄珠已事思神女解珮前因問少年記得鷗盟三五侶當

時裙屐最翩翩

廣陳道中阻風作

村舍無多水拍空隔籬一樹小桃紅自憐半世仍中酒還憶十年

此阻風芳草王孫迷舊宅

欲訪趙子固故居不果

秋尊張翰老孤篷倚容結

箇茅堂住要占荒畦地十弓

和萼樓兄偶作卽步元韻

相術書存愧咎賢可知火色與蒼肩便便此腹甯無負咄咄卿言

亦復然幾輩矜心誇白戰有人搔首問青天蛾眉休說行將老却
好初三月上弦

讀淡如春蠶謠因題

未過穀雨尙清明三月溫和雨正晴行到吳興蠶事早東風一路
剪刀聲

題春渠紈扇牋

欲將心事訴春風縞袂如卿不易逢箇裏江城無阻悵青衫紅粉
兩飄蓬

題春風贈別卷爲春渠作

閒煞紅樓十二闌玉鈎斜畔月初殘花間小影分明在畫閣憐才

新安先集卷十六

六

意思難

十三樓畔喚提壺遲我高陽作酒徒相見上元風貌好青溪曾識
第三姑

偕江聽香

步青張老曠修孫蔚堂延繆朗甫新汪小廷鴻高

犀泉

日濤

沈鐵珊鈞

遊大石山看桃花作

郭外青山一笑逢便非突兀亦重敲斜花柳何訪雜平淡文章
也勝濃一抹斜陽山寺路幾聲清梵上方鐘紅霞片片隨溪水好
向仙源認別蹤

試陽羨茶用東坡和錢安道惠建茶詩韻郭頰伽磨汪小廷

孫蔚堂陳小曼諸君同作

匹鞋筇踏吳興寺老僧飲我顧清茗雲頭雨脚猶在呷景色山村
常記省歸來齒頰畱甘芳一路春禽動清聽頻年海角苦奔馳尚
別酸鹹成癖性封題不憚千里遙奈之溪泉味失正今來平陵陽
羨鄰羅懈雪芽尤雋永竹符矣欲調坡公折脚鐙添武火猛瓶笙
和出詩壇豪槍旗降得酒兵曠是時春暮三月半月淡花陰入簾
冷吟聯分韻角羣雄賤子腸枯喉似鯁分無玉勝及葵花畧辨龍
坡與鶴嶺客來何處解分茶臣當此景惟說餅竹裏行厨后鼎支
窗中夜燭殘星炯未愁水厄對花斲只恐河魚目省井此味由來
知者稀苦蕊慣喂會肉倖吾鄉舊有袁茶亭歸就家山斷松瘦

觀復齋主客圖汪己山敬囑題

新安先集卷十六

七

師事兼兄事何嘗識面遲樓臺類入夢風雨繫人思應入張爲畫
畱題成式詩他年重回首莫負舊交期

太白城樓玩月作

青天何處招黃鶴城上空餘舊酒樓明月有情終古恨綠楊同此
別離愁那堪玉笛三春暮肯負金樽一醉不陌上當年歌白紵夜
深我亦此勾畱

送春同小迂作和頻伽韻

客裏逢春春可憐如何又作餞春筵年來作客傷春慣一任春歸
在客先

和頻伽懷西湖詩用東坡寄晁叔美同年韻聽香犀泉小迂

仲恬同作

遊山如擇交所至友其賢然必山水俱此事難兩全西湖乃得之
有取無可捐遠峯淨如沐平湖渺接天當時日夕遊一別今五年
況復苦行役鄉夢頻頻傳敝廬東湖東水木皆澄鮮烏篷弄明月
白鷺拳秋煙顧惟一鄉士未爲衆目妍頗憶虎林住僧榻僧房眠
招邀有俊侶酒熟新茶煎晴宜雨亦佳擊楫提壺復塵埃失故我
山水慳前緣先蠟阮孚屐不辦支公錢

屠琴鳴席上作

使君淪謫自蓬萊冰槎頭銜海橈才庭有餘閒如水潔花何妨淡
帶霜聞人如獨鶴離羣立客似佳山排闥來結侶五陵多不賤唯

新安先集卷十八

八

余樸被望燕臺

辛未季冬素米真州假榻襟園老樹挾風孤衾抱鐵漏永寡

寐酒薄初中因作七言律十二首感事懷人不能自己存

揚州一覺又真州不是樊川賦壯遊落葉聲淒深巷柝西風寒怯
秃毛裘分來鮑叔金多愧乞到胡奴米可羞雞肋行裝重檢點欲

喂童僕亦低頭謂藹人太史阮小雲及王蘭后昆季

衝鼓瑟瑟樂未央孔融座上夜飛觴不才實荷家人意涉世因憐
性格狂廣廈萬間胸突兀官階七品氣騰驤平方應亦難爲第花

萼聯吟上下牀曼生表兄兼東仲恬表兄

相逢兄弟話纏綿風雨牀曾上下聯曼倩詼諧工玩世景純浩蕩

賦游仙

時兄之金山

暖關手足萎，肱腋業愧春。秋子敬，瓊除卻平生知。

己感綈袍從不受哀憐

異之

長安索米馬頻嘶，顏駟爲郎亦可悲。藜杖光分纂禮筆，柳車例作

送窮詩。輸兄宦跡憐才急，笑我生涯見事遲。遊倦虞卿歸亦得短

檠，故策試尋思

大兄都下

驢券書成自咄嗟，風來四面獨輪車。聲淒古驛離羣雁，寒戀歸巢

縮頸鴉。西笑縈懷誓車笠，東鄰相約話桑麻。堅瓠慙侯門技一

樣，蛾眉謠詠加

東鄰指何香石丈也

即景

露珠鎔落瀉，鉅塘水閣間。來十里香一簷，立禁擊翠蓋。雙鴛夢不

新安先集卷十六

九

度紅墻有人吹，側桐杉唱畱客涼。侵薜藜裳對對蜻蜒飛，不定讓

他領畧好湖光

安荷風

淡雲籠月未分明，金井蕭疎浙瀝聲。恐有鳳凰棲正穩，那堪絡緯

苦相爭。繫書雁過三三徑，題葉人聽短短檠。添得漢宮秋意思，更

從何處破愁城

梧桐雨

十里紅橋問水村，一鈎斜照又當門。分明欲鬪嬋娟影，幾見重描

眉黛。瘡圓到玉盤，臨白下拍殘銅斗。醉黃昏小蠻也作霓裳舞，司

馬當年最斷魂

楊柳月

無題

慧業真如碧海深，不關心處最關心。怪他鸚鵡能言鳥，羞說鴛鴦

其命禽作半响留情草草奈三更約漏沉沉文園渴甚兼貧甚只
典車裘不典琴

謾語多方巧避人帶二分假假生曠也知畧有今生分未必全無

後世因錢鑄六州成我鎔腸迴九轉見卿真手封紅豆如相寄破

楚城西月似鉅

王昌無賴住墻東聲欬聲疑消息午夜每聞金屈戌子歌慣唱

玉玲瓏生憎楊柳堤邊綠辜負桃花洞口紅薄命如儂誰得似生

成蝴蝶可憐蟲

夜泊姑蘇夢亾友彭筱圖

麗譙聲徹闌間城樸破蕭然一葉輕人夢故人疑未死有靈詞客

新安先集卷十八

竟如生間君稚子書能讀憐我生涯筆當耕一事至今心耿耿巨

卿執紼未前行

感舊

溘遊如此真無賴笑我獨從江上來不是隋隄好楊柳可能青眼

向人開

蹇驢馱影一詩人閣部墳頭探早春殘雪未消風又緊壓寒須得

酒濡脣

瓜皮艇子飛雙槳驚起一行白鷺絲箇是王孫真畫本鷗波亭上

晚涼時

謂趙戰門琴

徐旭椒文尉蕉園圖

數弓聊拓地種樹十年心
蕉長肄書葉花連繞屋陰
呼儔時命酒得意亦張琴
持此戀幽趣何須戀紱簪

令子青雲器文章漸老成
汪汪春水度翩翩玉山行
長指親書卷虛心事友生
從來佳子弟端不藉浮名

上鑑夕偕馬蘭如淡如昆
季暨諸同人出遊

阻風中酒極顛連十年前
媿管賢珍重相人書一卷
君家火色夏剪肩

時遇善相者故云

味如香草淡如菊氣味居然
兩得之若把此遊誇向客
錢安道亦有新詩

髯也音書疎若梅圓花舊里
潑春醅連宵應有池塘夢
芳草新芽

新安先集卷十八

十一

綠似苔

謂秦

八十老翁健腰脚東湖杖履
自生春詩才橫槊將才畧莫
以麤官

例此人

陳樹堂參府

臨風又見謝庭枝不與羣芳
譜一時若問靈珠宮裏事彩
纒手執

五雲芝

花開姊妹記初逢簾影分明
着意紅不信小桃今嫁了阿
誰消受

此東風

一抹遙山一水莊當窗塔影
射方塘莫嫌文筆峯頽甚猶
替詞人

管夕陽

野航小小如缺瓜愁風愁水
又愁花花開莫過落鐙節開
若愆期

人去家

春雨

破屋仰看亦自哈濕雲如墨鬱難開此身絕類搬薑鼠文史遷移
到鏡臺

計拙真同避雨鳩小庭水積不通溝同兒解作堂坳戲剪箸呼爺
作芥舟

聽徧僧廬又客窗年來笑我極郎當今宵剪燭分明甚此味蘇家
卻對牀

綠章賤奏任平生不爲嬉春也乞晴艷艷小桃花乍坼莫教彈淚
過清明

新安先集卷十八

三

雨齋題壁

時四月十六日

涔涔梅雨篆蝸紋寂坐蕭齋屏見闔遮眼賴書師過日澆愁偕酒
亦能軍舊游已滅投入刺新著兼刪罵鬼文壓屋奇峯尤變幻何
須薄竟說秋雲

重至瀨上史生子琴王生步香樸菴昆季狄大進齋輪流欸

客殆無虛日臨行諸君各賦詩以送因成四律分酬之

同跨揚州鶴陳遵座上寶虹橋萬楊柳青睎待斯人涉世文章賤

論交意氣真君歸吾愛別歷歷憶前程

睎中真有鐵狄夫子其人格似野梅野味還醇酒醇臨池兼讀書

樂志亦娛親牢落能憐我江湖尙此身

卞雅堂太守郡齋雅集卽贈

蘭陵美酒正如淮列戟門庭綺燕開似此上官真列宿故交仙侶

盡蓬萊請家虹頻呼燭為譚文繼逕掃門緣問字來孤癖不嫌愛

踈放野梅今得算官梅

西湖雜詩之一

寂寂西湖寂寂春重來如夢復如塵落花何事今年早猶對青山

哭故人感白樓松泉之逝

寄呈家督二首敬步來韻

廿五長夏點三千餘里書第兄弟難後風雨短檠餘顏駟潛郎久

元瑜涉世踈看雲應憶遠邗水待雙魚

新安先集卷六

不憚從頭述鄉園事可知家貧及親串宦拙強支持善保千金體

毋傷兩鬢絲名山容退步弱弟亦隨之

羅理泉泖湖感舊卷子

東湖水接泖湖流師友平生醉殿舟此地重來如化鶴我言不食

有盟鷗庚辛之間時侍陳古華師王蘭泉可冠丈作鼓棊會漢莊客偕休論價遂譜重翻最

憶秋幾度懷人兼感逝夕陽已過蓼花洲

哭顧心耕師

問我將安仰先生跨鶴遊言歸遲十日此別竟千秋耆舊云亾矣

典型尙在不讀書臺畔過猶是痛西州

憶立程門雪鳴珂舊講堂因憐故人子夏卻束修辛魂夢春風座

心喪端木場師言猶在目偃僕守循墻

易洒青形淚秋風墮毳筵八行相藉慰三缺故依然縱有成名日
而無見面年同儕歌薤露我獨受恩偏

五十喜商瞿清聲識鳳雛對賓媼禮數早歲識之無覆翼期成立
傷心剩藐孤鵲鴿好兄弟文教啟東吳

最是忘年契城南孝穆翁徐秋關心諸世父方竹坪芝亭倍痛我

先公待問雲亭字空飄總帳風辦香心熱處那不憶南豐漢山三先生

鶴鷗催噩夢善者亦如斯感逝文徒在傳經讀未遲生芻慙一束
清醕奠三卮誰是中郎筆能成有道碑

家居雜作

新安先集卷十八

古

海燕雙雙認晝梁啣泥猶補舊巢忙因知作客秋風倦正好編茅
午夜長計拙定輪鳩拂羽力情依諳鼠撥葺閉門只合跣坐見
見間間嬾不妨

負得長鋤嘴似鴉竹籬茅舍野人家閒來繡陌閒炊玉不早青門
學種瓜畱客既無塙過酒誇人敢說筆生花風警雪虐徒爲爾貧
到鄉園樂尙賒

寄鑑堂三兄萼樓四兄用東坡韻

客窗風雨弟兄心大小山高約共尋陽羨何年成楚頌釣臺三過
泊淮陰哀鳴同作蘆中雁夜警時聞露下禽昨夜西冷飛夢到一

羣鷗鷺水雲深時四兄

客武林

將歸里門賦七律四章

家山何向夢中拋，行腳真如僧打包。
敢說猪肝全不累，竟同蚊睫自相嘲。
處囊何日雲生頰，破屋秋風夜捲茅。
輸與紅襟雙燕子，身衣門巷下新巢。

客中幾度餞春筵，不獨春歸在我先。
苦憶林宗三宿地，關心張翰五湖船。
瓜皮艇小篙師力，雞肋裝輕地主憐。
懸榻陳蕃申後約，倍慙相術識高肩。

此去鄉園有弟兄，西窗風雨話燈檠。
放言國事回家事，罷鬪詩兵復酒兵。
絕少禪心慳慧業，了無綺夢淡春情。
年來趙壹悲窮鳥，臨別多方仗友生。
謂聽丈及瘦仲兩兄

新安先集卷十八

五

小婢篝燈話夜深，支離病骨唱藁吟。
梁鴻無奈求傭計，孫楚甯違故國心。
壁立徒存懸磬室，薪資誰辨爨桐琴。
戒余休作牛衣泣，羞說東家纏臂金。

曉起偕江聽香

青郭頻伽

馨

琴鳴

倬

張姓厓

東觀荷以荷風送香氣，爲韻分得香字

竹簟汗如水，未明先下牀。
呼童具湯沐，及未升驕陽。
揜裳出門去，快若輕鳧翔。
平橋支曲港，鼻觀來妙香。
朝霞艷紅玉，翠蓋欹明璫。
盈盈衣出水，娥娥鏡新粧。
洗頭玉女笑，皓腕甄妃攘。
蜻蜒千百飛，飲此朝露涼。
客中百無樂，聊爾容踈狂。
譬如一杯水，亦得蘇渴羌。
我家東湖曲，萬柄搖方塘。
結伴半鷗鷺，睡穩雙鴛鴦。
扁舟倘落手

散髮歌滄溟

水車謠

桔槔聲聲犂犂自朝至晡宵達旦老婦蓬頭兒赤足長官顛告城
隍神吾民愁歎何不聞雨工如羊鞭不動風伯披猖亦可訟旱乾
水溢神司之忍見高田下田兆坵龜吁嗟乎三尺傀儡枉自尊綵
輿日日迎朝噉龍母又進城東門

迎秋詞頻迎諸君同作

蕭蕭涼雨打荻蒲小院先飄一葉梧夢覺簟紋如水滑夜來閒煞
小青奴

連宵清坐易成愁尙未征衫寄遠遊隔院忽聞砧杵急涼風吹入

曝衣樓

新安先集卷十八

去

零陵寺唐井歌與頻伽諸同人作

青蒼松柏圍牆紅瀨陽古寺城之東芒鞋策策不辭遠微徑曲與
禪房通傍有一井濼不食苔蘚斑剝荆榛蒙何來老物此棄置誰
復著手爲磨礪年深未免疑豕亥字大若有蟠蛟龍周環頗似神
識制瘦硬直與平原同紀歲元和在辛卯九十一字鐫玲瓏道人
澄觀所造作當年曾識昌黎公想其琢石勒工匠偈讚儼欲傳無
窮蒲牢朝吼輻輳轉第一汲作軍持供吁嗟顯晦亦時有物不能
主人何功定緣勝福依佛力六丁呵護畱琳宮訪古得古意良慚
飲以一勺清心胸

射鴨堂用東野韻與諸同人作

菰蒲翻秋雨鷗鷺喧芳塘江湖生浩渺雲水資徜徉東野嘗作尉
送客歌滄海寄興亦偶耳至今名其堂射鴨復射鴨豈真桃弓張
雞蟲泯得失物我俱相忘我來景高躡四顧愁茫茫相逢水健兒
一笑鄉貢郎

洮湖棹歌與鈕非若

樹玉

郭頰伽諸君作

留郎無計送郎還送到湖頭湖有灣願比郎心不相背大坯山對
小坯山

鵝鳩嶺上雨初晴白鶴山頭夕照明一帶女桑陰似幄東風吹出
剪刀聲

新安先集卷十八

七

絲網橋邊湖水深針鋒柳葉其浮沉不辭千里從郎去自有尊絲
繫妾心

紅香亭子跡模糊水竹平分好畫圖最是一番新雨後萬荷葉上
看跳珠

中流小舫撥輕蘋兒女青紅約比鄰學得城中最高髻
橋鎮上看迎神

白紵歌成攪客愁楊花歷亂滿汀洲勸郎莫送東湖客
與求尋舊酒樓

鈕非若以山中紅梅詩見示即步元韻

江南花事早柴薄早經旬以爾香色味參予精氣神徘徊千里月

珍重一年春只此謝凡艷亭亭不染塵

喜晴

濕霧屋山重檐滴留餘聲晨朝百事慵一鳥先人鳴披衣急起看
稍覺雲頭輕朝暎雖曖曖而我有餘欣花事久不問鐵笛吹江城
春山笑相迓春水復盈盈同儕申相約吾意何孤行一牋上天公
夏乞十日晴

鈕非若錢叔美幼奩竹林沈鐵山秋浦高飲江同泛舟虹橋
叔美作圖同人詩以誌之

繞堤楊柳漸成陰雙槳先催出郭尋此地樓臺春似海故鄉書札
墨如金十年重作蕪城夢七子同爲越客吟聞道坡公舊遊處不

新安先集卷十八

六

醉飲酒重登臨

將歸里門詩以誌別

昨夜家山夢當真曉窗寂寂已三春鶯花無賴催人老燕子將歸
入幕頻未了名心慳慧業漸諳客路悟勞薪扁舟明日難爲別一
醉先拚公瑾醇

雜詩

從來至性人嫌少未免傷情我過多感事懷人兼惜別天涯芳草
奈愁何

小病愔愔長道心不須世態苦沉吟年來事事輸人後未必人間
有鄧林

競渡年年說勝遊，沸天鼓吹舊揚州。怪他一個桓司馬，閑煞紅欄十二樓。

漫山遠志青如此，徧地將離紅可憐。新燕頻窺莫相訝，阿儂歸計在春先。

送沈鐵山之幕瀨水

梅雨涔涔蝸篆墻，送人天氣愴涼涼。縱繁華處何嘗樂，優別離多亦不妨。說士問誰甘似月，謀生到此歎凶羊。此行不比元龍客，好把如虹氣斂藏。

梅雨不已酒爐約，乖寓樓枯坐客愁中之因念鐵山之別復

新安先集卷十八

九

廣陵城東酒如淮，日日泥飲偕同儕。朝來天瓢忽倒注，莓苔延壁愁雲羸。仲宣登樓慘不樂，避濕師爲此中伏。鑊鼓聲喧攪客愁，

爲龍舟之戲。安石櫂驚紅一簇，來時雪花飛滿天。郊寒島瘦雙吟肩，君

今先我渡江去，我何抑鬱耽纏綿。君行兮君行，酒徒落落難爲情。畢宏作圖怕作別，

仲白醇醪公瑾頻傾。高江三十五洵良友，臧否平生不挂口。因君體弱數數言，肝膈輪困醉後剖。雨中

送客愁如織，拍手青天叫。明月明朝鷗影各，東西持此江南照。江

雉臯道中

馬纓花

倦時睡藉書遮眼悶極還思酒入脣欲待遣活無覓處故鄉舊有
饗頭春

地本膏腴雨一犁村農午坐白雞啼兒童看客頓相笑一個烏韃

浮過谿

白雞雉
阜村名

雙架船如六柱安送勾按拍儘醉歡教郎穩向此中佳不覺天涯
行路難

將渡江口占一絕寄諸兄

我生窮薄涉江潭客裏風波祇自諳此際看雲憐弱弟幾人塞北
幾江南

新安先集卷十八

辛

抵金陵城遇雨

江帆纔卸又孤篷燕啼新巢豈易工倦客情懷偏對雨中年時事
慣隨風詣人祇蓋王微累失路誰憐阮籍窮此地漫吟寒瘦句古
來形勢障江東

儼居正覺庵

居向僧廬僭安排竹榻優詩成先獻佛飯罷卽叅禪聽雨禁霜疊
清心漱石泉周妻何肉累塵網尙中年

安園卽景

客中贏得是孤清落落名園一短檠三輔不堪懷謝傳四愁何苦
詠張衡花香着地秋無跡樹影搖窗月有聲珍重寒蛩憐寂寞爲

調絃管到三更

祝曼生表兄五十初度

翹材館築六橋邊
牛巨騷壇執孰先
倜儻無慚推國士
風流猶爲
遡莖年鄭虔
三絕詩書畫坡老
一生儒佛仙司李
揚州誰得似
淚洋風格邁前賢

爲蘇民困語言溫
七尺昂藏立戟門
端直自遭長吏屈

爲蘇民久事已掛彈

章聖廉明總荷

聖人恩六條親拜
緋魚賜八節榮叨
竹虎尊聞說淵回
前席重宣

房舊策待重論

年來漸覺鬢添絲
寥落江湖有所思
廣廈置身呼負負
名山退步

新安先集卷十八

三

悔遲遲酒邊肝膽
憐今兩笛裏鶯花
感舊知頂禮盤陀
無量佛手拈香瓣
話恩私

立春日接馬秦溪

源書

漫天風雪滯胥臺
瘦骨支離事可哀
遠志草今爲藥用
故人書乃共春來
分金鮑叔能知我
索米東方歎廢才
強起呼童急歸棹
東湖同訪未開梅

三月十又一日病起招同何佃齋

杜棧

三四兩兄放舟東湖

登弄珠樓作

嫣然桃靨笑溪頭
出郭招邀作近遊
醉後又添中酒病
倦餘猶上看山樓
煙波最好惟鄉國
兄弟相親似鸞鷗
莫笑江湖此半落
尙

難著手有扁舟

送張秋畬煜北上

張緒風流尚舊時，靈和殿裏柳絲絲。
三千客路休嫌遠，五十功名未是遲。
春水慣隨鷗夢闊，好山先送馬頭知。
阿兄懸榻還相待，一
笑應呼某在斯。

黃岡竹樓圖爲徐芹塘瑣作

君家蘆溪東，我住鸚湖曲。
拏舟時過從，坐我竹間屋。
松風急怒濤，篔簹淨粉籜。
世慮淡然忘，對君我則俗。
頽年苦奔馳，塵鞅徒局促。
敝廬雖市椽，修修問慈竹。
息影歎何時，勞身恆苦薄。
因念縈心人，黃岡景高躡。
竹樓倚巖巖，軒窗延綠讀。
書兼焚香天，心此克復。

新安先集卷六

三

江山放眴寬，雲颿煙漠漠。
中有鷺鷥來，舊盟還可續。

偕同人放舟西郊得四絕句

淡雲微雨嫩晴天，港曲桡絲出郭優。
驚起黃鸝啼不住，一篙冲破綠波煙。

無多村舍傍城隈，酒肆茶爐相間開。
惹得路人竊相笑，閒鷗野鷺

總疑猜

酒社詩壇儘放狂，何嘗屏我作山王。
堆盤風味家鄉好，豆莢初肥

菜莢黃

一杵蒲牢覺道心，翠凝深處費重尋。
無端忽起閒秋思，柁報一枝

開玉簪

哭徐蔚坪姊丈

文炯

卅載依依若雁羣，江湖落影斷知聞。別離久慣常憐我，親串無多
又哭君。撒手任拋棋，未了傷心。替惶鏡終分含悲爲向孤兒道，能
紹箕裘，不僅文書。紉纈膏華，曉給慈羹，散草款同。謝許入平。

寄鑑堂三兄

下第書驢券歸來，洗舊塵。又驅三晉騎，竟負五湖尊。寥落誰知己，
艱難仗此身。寒風勁西北，霜雪犯征人。

聞說山河壯，汾陽水急瀧。蛟螭蟠石室，風雨撼雞窗。詩每羈懷得，
愁須酒力降。可知江上客，盼望鱉魚雙。

不待從頭述鄉園事，可知水田頻。歲茅屋待編籬，官鼓襄陽解。

新安先集卷六

三

秋風瀨水湄，年年慚寄倉。匏落益愁思。

爲陳丹林題隔岸越山圖

樹結青藤餘老屋，書尋宛委問東鄰。三年兩喚西興渡，半爲青山

半故人。

謂姚澣雲劉默園諸君

蕪城把臂酒同斟，寂寞生涯冷淡心。拋卻家鄉好山水，來於此作

越人吟。

若時客揚州幕府

李白詩情藹若雲，徐熙畫筆剩餘芬。墓頭宿草應同慨，并入平原

嘆逝文。

謂徐西欄李白樓昆季

貧士樂和四兄雨甫韻

寒戀歸巢縮項鴉，故園已見早梅花。阿兄怕我輕離別，不許還家

卽去家

委巷叢談話一團桑麻而外有餘歡鄰翁拍手向我說三十年來

無此官時竹嶼別駕權
櫛當湖邑宰

投竿國士古來多醒着紅衣臥綠蓑斗酒十千須爛醉睡魔畢竟

敵愁魔

厨下能供十日炊草堂無事且哦詩閒來仔細思量着得失何爭

一局棋

對床有約何遲來一卷新詩要剪裁為憶去年風雪裏着雲獨上

雨花臺

遠道分貽鮑叔金謂方鐵珊
趙秀門三千里外故人心歲除餽問貧都廢

新安先集卷六

貰酒談奇有二岑

一覺游仙夢有無偶來市上倒騎驢逢人誇說樓居好未必瑤田

勝橘租

俗得僧寮百衲衣年年行腳要皈依毘黎耶與鬢陀室鄰結四禪

天亦希與江旺香有結鄰之約
毘黎耶室蓋其醫館也

嬾如中散怕言劬品到雲林不諱迂彈指樓臺成俄頃老夫巧本

遜公輪

修竹蕭蕭晝掩門傲他十丈軟紅塵兄酬弟勸呼偕隱陽羨十雙

何足云

歲暮雜詩

有累何能不見聞齋鹽片紙遞紛紛優開口竟屠沽諒欲息肩難
子弟分攔筆罷裁求米帖搜囊剩有送窮文年來乞得安心法一
笑區區何足云

哭陳仲恬表兄

中表情餘誼依依列雁行分甘到梨棗同客恤暄涼賤作簷間雀

庸成井底虵

時依曼生幕下

規言猶在巨曲意護踈狂

花萼舊高樓文光宿草收天還弱一个竟不忌千秋集以无功擅

碑宜有道求爲孤頻掣淚業要慎弓裘

題郭頻伽櫻筍蠶豆扇

野人相送休嫌少太守雖饑未是貪豆莢乍肥花乍落些些風味

新安先集卷六

五

憶江南

郭頻伽靈芬館第六圖

鶴湖一水接鱸鄉中有盧鴻舊草堂人以間情比鷗鷺天生此老
爲文章閉關添置栽花地隔宿先謀飼鶴糧指點畫圖曾到處剪
淞閣外幾垂楊

陳魯山招遊湖上看芍藥

無計畱春竟饒春可憐我是未歸人踏歌縱有汪倫送開過桃花

已浹旬

書楊補凡

昌緒

行看子

蒲團兀坐逆三神現出維摩身外身不學香山叅半偈可知坡老

本前因一生只要我無負萬事休憑夢當真同證四禪偏薛清明
朝行腳又風塵

邗上鷗盟圖

酒星昨夜驗如何鴉雀聲中忽嘯歌狂不我嫌疎放慣熟因人失
性情多殿春華艷當筵駐送客舟輕冒雨過三五鷗盟畱不住虹
橋誰說好煙波

徐湘秋集詞律書扇頭見贈雙絕無間意將倩小迂繪事配

之而未果也寓樓坐雨與壽盧評畫與頗躍躍遂成飛白
竹數筆急呼壽盧寫文杏一枝補救之因題二十八字以
自怡悅一家文字相娛嬉不足爲外人道也時道光己丑

新安先集卷六

美

蒲節淹滯蕪城拜記

此君突兀篔簹谷諧俗無方也倚紅讓與曲江公等宴來占山郭
酒旗風

閏月十九日偕同人湖上看桂夜飲舟中頻伽詩先成與天
眉各和之

倚橈僂指水雲窩三五鷗盟狎淺波勞我微詞通洛女怯他瘦影
鬪霜娥勾畱花底香能淡彈入秋心怨夏多一曲琵琶二分月朦
朧醉眼奈愁何

寄陳魯山孝廉

邗泰

之子不相識偶然諧築心泐泐流水意寄此孤桐琴琴亦不可鼓

人亦不可觀春潮昨夜深愁心向南浦

不效 吳門寓齋雜詩

新婦巾車閑置成飛花飛絮滿江城手中玉尺閑無用借與他人作鑑衡

故人落落江南北牽煙波棹轉徐一事被他津吏笑往來只載滿船書

翠管銀罌一嘯歌酒星昨夜驗如何不知三爵厭厭後便覺書生醉態多

沈沈官鼓靜非諱話到銅盤燭影斜我是香山舊吟侶木蘭堂下詠藤花

新安先集卷六

三

數月來雨水泛濫江浙漂沒者無算家山在望東道不通羈旅之人情尤不能自己復成數絕感事懷人直據胸臆拉雜無文謂之曰俚亦無不可

黃梅雨積連瓜蔓滿地江湖澤國吟漫笑杞人徒爾爾讀書應有濟時心

傳聞囤積東西里閤糴無殊音與秦姻特無關况桑梓古人如此況今人

阿和眠食近何如小憲嬌癡學讀書一一燈前兒女樂教人那得不憐渠

積潦狂風懊惱情一椽老屋一先坐近聞畿輔猶如此夢越三千

里外行

冬日游西山作

爭奇骨相突層巖，八百孤寒擁翠嵐。
洗鉢僧癯經臘古，當關鶴老守雲諳。
花疎香裊先春烈，酒薄韻緣鬪雪甘。
珍重鷗盟堅後約，重來白徧小詩龕。

哭陳曼生表兄

如雪麻衣輕去鄉，廿年中表為扶將。
山林舊宅朱陳里，路浦寒鐙上下牀。
謠詠苦搜髀，士累拘疎曲，怨灌夫，狂明明官燭，頻頻淚一
事迴思一斷腸。

寄內

新安先集卷六

六

無奈拋家住婿鄉，知卿一日九迴腸。
此時擁髻銀燈下，定喚癡兒作字忙。

壓線營炊仗爾謀，書來珍重勸登樓。
為言我是愁窮骨，拚得春寒典敝裘。

哭錢愨南丈

親串聯中表，往還熟音鄉。
甫離童子塾，拜得丈人行。
墅北新圖畫，城南舊草堂。

子家藏有王右谷北聖圖先生託先大夫備友臨之

每懷雞黍約，盼切白眉良。
海上西風裏，關心問老成。
經年春夢改，短札夜臺呈。
嶺斷三秦望，雲高一漢橫。
沈沈宮鼓擾，腹痛感平生。

重遊吳下竟寓織里橋西街近市暮塵閉門息軌縱藏三鈇

重遊吳下竟寓織里橋西街近市暮塵閉門息軌縱藏三鈇

之彈難默五噫之唱窮愁著書奇僵臥雪不自知其言之
真也

此情輸與鷺鷥知歷歷明言某在斯瓠落那堪三黜後秋深正遇
四愁時路逢北客遲題札舟過西湖嬾賦詩羞煞白眉居第五况
逢人說好門楣

只求除病不除貧稽首殷勤禮北辰福果能邀何待我窮如可送
轉猶人丹禽已醒前宵夢明月應呼現在身持比太常齋夏潔山
妻也解學朝眞

癸巳六月十九日贈斗山和尚之作

暘道來分一日涼招提荒外樹蒼蒼老僧識我還迎我笑立山門

新安先集卷六

无

話夕陽

懷人感逝有餘思爲誦高三十五詩此道而今棄如土翻於外方

見交期

舍利分收頂上乘詩成共獻佛前燈一般世味誰叅得失路詞人

追院僧

大姪善旂授職學正喜成一律寄之

讀書樂志夏娛親從此能承清慎勤道義持身崇國子

恩榮逮下例詞臣客情滋累無如我家事差閒好在貧無路吹簫

原亦得忍飢還是點朱勾

掃墓歸舟中作此

依舊青衫拜墓門可兒誰說是玉敦幼蒙塾師祖父有神童之目碑遲有道人

秋計伯兄待乞大手筆鉅公詩應遲遲有待集重无功一品尊祖德能延君子澤大姪

善旂舉辛耶鄉試次姪善驥舉乙未官元兄賢渥荷

聖人恩伯兄頻蒙恩召對垂詢祖家世甚切楹書留讀滋培固看到幾家舊子孫

題虹橋道暑圖

此間水竹喜雙清笑我翻為觸熱行無所聞來無見去綠楊陰裏過蕪城

馬小溪持其尊人秦溪先生遺墨菊花扇面屬題感念舊遊

聊記數語

俗菜莫會作重九老子黃鬚足張軍落落晨星今有幾不堪重對

新安先集卷八

三

舊斜曛

補之擅寫梅兄照定之能為竹寫真曾看聿偃親下筆畱存東絹

墨如新

簪益花間舊草堂停杯感逝話滄桑君逝後余兄際堂適集文識於慈竹居聞信之下停杯大

慟而散不料未兄亦數月而逝不堪腰鼓聲淒斷八月秋風泣雁行

膝前早識王文度果是盤盤大雅才漫道臨池家法在夏於紙上

起樓臺

書學十三科入化吉金八一字能奇博通餘藝有如此卻為先生

補缺遺

朱本晉

新甫公子號子裴桐鄉縣廩貢生著史山樵吟稿

徐士芬曰余於某堂先生經注經齋識其從弟子裴明經朝夕談藝愛其文而重其品延課諸子戊子秋余視學粵東其時子裴屢試京兆不利亦思遠遊以抒積鬱邀襄試卷慨然就道間好吟咏能得其祖春橋先生之遺響逾年感瘴氣暴卒羊城才人仰蹙一至於此又七年其嗣實磨捧其所作詩見示如對舊友盡焉傷之爲識交誼緣起益深鄰笛之感云

贈沈伯雨

春林嘯時鳥嚶嚶求友警芳原集遊牧一一成羣行人無道義交勲業何由成顧人各有性用賢識其情薰猶一不辨芝蘭同榛荆鄙人性迂拙落落寡交營中年困生計奔走萬里程一二同心友相思阻重城每當風雨夕感嘆荒雞鳴

竹

霧護煙籠玉萬竿檀欒映戶綠雲寒璣窗共愛明珎長空谷誰憐

新安先集卷六

三

翠袖單一日無君生鄙吝終年有客望平安春雷起處龍孫出看換青袍解籜冠

觀我詩

生世何能了萬緣維摩清恙劇堪憐咬啣俠骨經愁鍊柔弱詩腸披藥填起坎刀圭皆草木無災雞犬亦神仙茂陵只是難消渴費盡牀頭賣賦錢

送曹鐵篲先生之官山左

子建聲名震似雷驅駒卻爲一官催太倉粒米珍如玉八斗才償五斗來

送陳璞堂之粵東

頻年踪跡歎懸袍淚灑西州百感交
繁之虛聲如畫餅獨遊真意
勝投膠莖堂許俗思新墨弱羽
將飛戀舊巢一夜愁腸添百結
親情友誼兩難拋

祖帳東門餞飲頻驢駒催逼柳
芽新會原有日憐時暮別已難
堪況故人萬里官程真似錦經
年客鬢欲添銀臨歧一語君須
記早寄羅浮嶺上春

午日憶亾女

綵勝釵符製最工餉餘夾在繡書中

昨歲端陽女手製勝符餉遺親串

無知老嫗

新翻出淚涇經年線縷紅

于歸尙隔一年餘豈料曇花色相虛一事令人腸欲斷日來連接

新安先集卷十八

三

爾翁書

題雪山誌感圖

沈君孝行光天地披圖重憶當年事萬古難泐寃魄燐千秋不竭
思親淚我間疇管歲在蛇无妄一筮賢人嗟

朝廷寬大天地闊深山射工工含沙一朝親赴邊城戍子心痛絕
如嬰慕聲咽呼天天不聞風塵萬里隨親去天山窮劣飛身絕冰
厓五月凝寒雪刮地黃沙撲面風幾番磨鍊英雄骨卅年相倚如
蛩蹙傷心椿蔭傾荒墳生出翻將馬革還魂歸不待身頭白幽光
入海海欲枯血淚凝寒紅模糊窮邊遙望家何處雪滿雲橫一雁
孤天憐得首歸人路紫衣丹旄關山暮力竭扶輿返故鄉九原馬

鸞親封墓吁嗟乎南山白石有時爛漢水東流或西注何似英魂
孝子心碧霄耿耿常懸曙

貧士詠

割宅

陸解笏分居晏宅甘湫隘而我非鳥鼠同穴竟無恠效彼六國計
割地成秦敗從此楚漢分劃出鴻溝界他族旣處此實逼亦無戒
知非廣夏恩徒嘆牛衣憊

遣僕

織事當問婢田事當問奴紀綱古人尙難償徐甲逋譬彼豢牛羊
來牧不得芻良禽賢擇木忍令守枯株刺字旣已滅鋁鹿亦可無

新安先集卷六

三

書劍故依然此身猶未孤

典裘

朔風一怒號繒纒渾如鐵已敝鸕鷀裘質向墟頭絕誰憐沽叔寒
似秉蘇卿節卅年服御常一旦酒瘴滅吾道似春陽世情逾寒雪
狂呼白太傅心頭起餘熱

乞米

硯田薄秋成粒米珍珠玉艱難到魯公鄭重書盈幅心驚釜爨季
望絕困傾肅謀生拙颺鼠難竊太倉粟耕者旣獲餒學也毋干祿
何年隴畝豐水火千家足

詠燕和陸益三用鄭鄩官韻

北去南來爲底忙
身衣憔悴過衡湘
生涯似我惟巢幕
東道何人又畫梁
新壘乍安春夢穩
飛花時蹴舞筵香
恠來小語斜陽裏
一段閒愁訴隔牆

讀胡梁園先生邊集冷然有感因題三十六韻

西風搖落水懷舊念彌專
言讀青蓮集如調白雪絃
扶輪真大雅摩壘孰攻堅
好句畱今日親情憶昔年
名流曾結社先子此陳編
爲獻長楊賦偕乘大願船
金蘭神獸契蘿葛誼重聯
語水春波闊鴛湖夕照鮮
有時同載酒相見各張筵
入室呼通子登堂拜茂先
偶回青眼顧期作白眉賢
膠漆情彌厚枯榮境各遷
傷心椿樹折得意杏花妍
藥院推神藻

新安先集卷六

音

樞廷重寫宣

王舉之答疑事五十篇號寫宣

身籌明出納玉尺慎衡銓
英簿榮持

節輜軒遠赴邊菁莪興里校桃李遍蠻天
將欲奠符換方膺廡繡
媽馨騰

丹陛上名記

御屏前累沐

新恩渥偏尋舊雨連
楮冠嗟我困葛帔荷公憐
夜雨尊重把春風
句欲仙看殘燕嶺雪聽遍賈山泉
偶病親鋤藥將寒預割氈
南陬同小住北地載言旋
長擬依劉表何期瘞伏虔
遺孤猶五尺故里隔三千
敢說程嬰在須教趙武全
梁春無待賃蕃榻下來便砌愛
芝蘭長班應玉筍穿秋闈
曾鶚薦雲陸立鵬養世事滄桑過高文

日月懸香山敦古誼粵海梓邈編爲定千秋業從知萬口傳待看全集至相對瓣香然讀到傷懷處聲聲泣杜鵑

集中有哭先君子四律

涼棚

青杉黃箔綠簷管小蓋茅棚坐納涼卻憶故鄉風景好松陰低覆豆花香

古橋

一溪流野水短笄臥晴波車馬經行久風濤閱歷多虹腰憐瘦弱雁齒落嗟我爲問隄邊柳離情綰幾何

同人約遊二閣不果

慶豐閣下長春波擬約吟朋載酒過預想鷓舟親擊泝那知蠟屐

新安先集卷六

五

竟蹉跎書生作事成原少俗客能遊福轉多試問大通橋畔水何時容我著漁蓑

題胡陳兩生坐月詠花圖

胡陳兩生詩代話將詩乞得錢君畫德齋先生畫似詩揮毫寫出王襄詞春宵夜靜園亭悄月出林間光皎皎欄干屈曲石陂陀丁香一樹花圍遶陳生跌坐明月中滿身花影雲冥濛胡生據樹攜書讀月光入口花迷目我披圖畫愛兩生花月如此人尤清但願胡生心目變作月玲瓏萬竅皆光明但願陳生看花如看文筆墨落處成煙雲識見超脫格律眞花月年年不負人

邯鄲旅舍題壁

遽然一覺悟前因寄語當年夢裏身枕上功名原草草世間尙有
獨醒人

春杪偕于孫二丈登純陽宮蓬萊閣

五嶽鬱孤想奇懷久未違
竭來三晉間欲訪雲山景
春深花草遲
咎邪銷寒嶺于孫二丈人志趣洪浮竝攜手入珠宮
躡足登鼇頂
雲梯險百盤一步一回省
直登最上層不覺雙眸醒
繞郭煙鬟青
倚城塔影靜海水滌胸襟
閣東有海子天風吹項領
長嘯效鶴鳴
高吟跨鸞頸
不持長生訣不飲丹砂井
縱非神仙侶已到蓬萊境

落葉

飄然秋後葉恍似客辭家
搖落空山暮回旋小巷斜
倦飛同病蝶

新安先集卷十八

美

瘦影失寒鴉獨檢廬陵賦
騫愁亂似麻

水驛山邨畔紛來奈若何
亂紅秦苑路殘碧洞庭波
側目塵緣少關心客感多
劇憐明月下漸減影婆娑

新安先集卷第十九

朱善旂

茶堂公長子字大章號建卿平湖縣人道光辛卯順天鄉試舉人歷官國子監助教有敬吾心室詩稿 國史

館附

戴文節夢詩圖跋云建卿助教嘗夢至一處煙月滿天香雪成海身如孤鶴迴翔其中忽得盤空硬語如梅花之句因屬寫圖草草數筆花耶詩耶夢耶畫耶慧業人當自領之

何紹基曰建卿同年好金石之學克承先丈人之緒與余文字來往無虛日丙午春仲過酌小齋屬題保石園雲谷書堂吾未到詠花詩舫侍遊頻丈人意歷千峰小令子才兼百壁珍冷抱奇壘撐雪骨淡將古色闢松鱗社公酒熟同斟酌夢入當湖煙雨春 許文格曰建卿為椒堂潛帥令子以余與椒翁文字至契時相過從建卿精訓詁鑒別鼎彝諸器又能世其家學一時好古金家如陳鎮南吳子苾何子貞陳受卿皆折衷於建卿故建卿為詩亦長於咏古器之作官國子助教垂二十年丁卯夏暍暑病卒次年賢耦雲漪邱夫人扶輿南歸出圖囑題余既忝紀羣之交不能無辭遂長歌以記之

新安先集卷十九

我山圖他山圖公子愛石過於青珊瑚最後復有保石圖此石得自文格高平湖雲谷書堂舊藏物所儲秀色自管頌三吳拜則如米詩則蘇絡哉見山樓書畫雲烟迥睨都模糊十三齡童子寶石同球珠豪氣不能奪其後稱通儒駁歷中外督轉輸公子承清芬特立懷瑾瑜經遍國監金石聊自娛一朝忽應玉樓召尚賴賢耦為撫鵠可憐秀州方鳴抱千村萬荇生榛蕪何時殺賊如摧枯當湖歸去甘菰蒲此石便合稱望夫用保此石貽諸孤

宋戴公戈為多智友廉訪 慧作

一戈流布幾千年想見勤王追旅賈細別土花辨鳥篆當時輝映

白駒前

周朝假借本諧謔訛訂調饑義始明塗改六經端賴此應同典寶

守先程

胡扶山司馬仁頤 秋紅山館讀書圖

霜華色染楓葉稠讀書佳日春與秋主人淹雅嗜古儔高懷兀傲
凌九州相承世德允作來列架琳瑯任索控青鐙有味勤臧修時
復掩卷聽颼颼漢廣佐郡足良籌十載歸來仍校讐棗林賃屋圍
亭幽師門手植供君遊貫鼎大筆豪氣迺盈篋細書奧義紬有于
繼起紹箕裘謂文郡鐵有書可讀且咿謳詩壇健句樹長才君詩
求工近爲題瓦缶鳴鳴安足酬中原兵革何時休俗君琴書消煩
賤照兩圖

商鼎形父辛醴歌有序

王蓉洲比部

憲成

所藏揚文繪圖屬題文曰木父辛

器蓋同只主人自釋爲鬲攷葉東卿文感誓姬鬲作鬲王

新安先集卷十九

二

伯姜鬲作南仲姜鬲與鄭井叔鬲作南劉青圉文感邾伯
鬲作負文各不同番君鬲作而與此略同惟積古齋載商
父辛鬲作只又李氏據古二質收鬲字共十三其第五作
只皆正與此同其左右兩點象火形然之火見不然而無
火不必膠執一見也說文鬲鼎屬爾雅鼎欵足者謂之鬲
漢郊祀志鼎空足曰鬲折謂以木與火鼎字本從析木形
故只下作木然則此二字當并釋之曰鼎形此醴當名之
曰鼎形父辛醴與積古齋父辛鬲當是一人所作器蓋鼎
有致養之道亦有養人之功故以銘助于冊冊者紀君命
也禮有爵祿者始作祭器而爵祿之賜必受冊命故未有

冊字旂又按魏三體石經以鬲爲大誥嗣無疆大厯服之
厯茂厯猶暋勉義與密勿顯沒同皆勉力意薛書癸亥父
己鬲鼎下釋云鬲古文作鑿正與魏石經密合再攻口字
見季嬭鼎者二其載於薛書者曰錫貝錫馬兩見于積古
齋者曰錫貝馬兩兩字皆作口又見撫古遺文者二一在
十八釐音兩一在十九拯音丙字形悉同毫無分別兩木
當爲林故凡釋林釋兩釋丙釋厯釋鬲者皆不爲無據釋
作鼎卽就鬲木二字連類引伸言之要之古時字少有通
有改故備舉以俟大雅正之

嗟予嗜古生苦晚卅載蹉跎稽阮懶先人棄蒼家學荒矧復朋儕

新安先集卷十九

三

各雲徵蓉洲比部勤討按攷古名論凌同儔竭來示我父辛禪羣
議紛出試校讐寬甫太守語獨縱無心之木釋爲宋宋又非木謂
從父天外奇文洵堪誦君與葉翁眼無花因文立義自不差煙雲
揮灑各有見忻看淡墨秋蚓斜鼎戒自滿惡夫實其說得之宋宗
室宋宗室趙善譽撰易說四卷論鼎卦甚詳款足正合虛之象虛以相受乃大吉雲司
布政百祿道他年行部擁八鬻黃白玉鉉此古識受冊言醴舉禪

酌

五月二十八日夜半破胡心泉農部漢門僕辭以臥主人間

聲出延命酌盡醉而歸

日長仍苦短秉燭事夜遊三更又二點家家閉門鞦韆車安定巷

剝啄與正幽童僕隔牆辭以臥主人重客忘晦休張鐙啟門導我
入燈光迴映竹修修硯香主人侍姬號脫簪入蘭夢呼使暖酒成獻酬
何人非逆旅滔滔日月流愛此一刻景無爲千載憂

粵東張賓嶠給諫

祥晉

第四郎八歲已誦七經口占以贈

鸞鴛有雛成鵷鸞騏驥生駒乃龍脊川嶽鍾毓萃德門八齡童子
尤奇特七經口誦如懸河弱不好弄知遊息他年遠到胡可量保
衛蘭芽在栽植名父之子推先生烏臺露章振直聲爲言而翁北
遊日與我先人以詩鳴唱酬成帙早按劄許我悵讀未踐盟前年
詩翁壽八秩喜梅有子竹生孫咎有朱童子張公贈詩動宋帝張景
修字敏叔爲汝州梁令時作古風送朱天錫童子入都爲宋神宗所賞見中吳紀聞今有張童子老朱贈詩

新安先集卷十九

四

供噴噓物情投報固其常千年以來豈苗裔

方蓮卿司馬得曝書亭著書硯索詩

我生有硯癖呼之爲石友手澤遺三百先德常珍守自蓄僅百餘
南北挈以忝復好拓銘辭積帙尺許厚交遊紛投贈相與別妍醜
司馬好古儔硯田闢百畝梓里追前賢心儀竹垞叟得此著書硯
眞贗力爲剖摩掌增景企筆耕相與耦憶管見公硯今藏孔氏某
孔繡山舍人藏公舊硯銘後題云辛酉典試江南所用硯癸亥入直南書房復用此因敬銘之癸亥值

南齋典試記辛酉大書兼淡刻墨緣良非偶此勒丁亥年公時七

十九荷笠遂初衣窮經仰皓首之子才出羣衣鉢同授受努力事

千秋與硯同不朽

賀蕭山相國師重宴鹿鳴

聖人優詔下三霄元老勳名歷

四朝廿歲萃笙竇首舉一周花甲宴重邀

帝欽品學寰端粹寵錫恩榮冠案寮願望於今隆海內回思矮屋
燭三條

大司成花松岑師

沙納

補植丁香圖卷和韻

有序

國學敬思堂舊有丁香花一株明嘉靖壬寅四月司成龍

石許公會偕同僚張水南王前峰賦詩鐫石康熙間司業

昆明謝公又補栽與司成花西坡李南屏登宣之竝賦古

詩松岑大司成於道光丙申居是職石刻僅存靈樞久歇

新安先集卷十九

五

爰于道光壬寅四月補植三株距嘉靖壬寅三百年而歲

次適符因倩翁玉泉比部

孝潛

繪圖竝追和前韻屬同人

詩之

三百年耒丁香樹鬱飄鳳泊難畱住三百年後我公來春風又見

丁香開榮枯花是尋常事俯仰人天感身世樹猶如此人何堪隔

代因緣動遐思爲憶濃香宛轉柔低枝遙拂碎誰流園橋日麗春

常暖都向維摩畫裏收月冷霜繁苦相逼轉睨滄桑成頃刻爲譽

嘉木說韓宣空蒂甘棠思召伯壺觴裙屐話前朝韻事風流今寂

寥殘燭數行文字蝕荒烟一帶劫灰消公秉司成主講席手撫遺

徽忍湮沒三千桃李競蕪言盈盈種向春風陌化雨滋培遍士林

殷勤何負百年心一樣樹人還樹木庭前卉木條成陰蟠桓雙峙
亭亭影酣紅嫩白交相映花間好草太元經諸生講解同觀聽我
年四十誤儒冠故物青氈依舊寒江上芙蓉空入夢階前首蓓滿
堆盤我對此花良久立我披此圖重太息幸瞻樾蔭託龍門榜櫟
轉爲人愛惜

和沈西邕太守魏銅熨斗作

尙方制器循度程饗饗其形人其名願執威柄熨天下斯言何以
致太平要知取義本無定邪者自邪正者正夏后鑄鼎象神姦金
人緘口悟明聖苑廬主人好古儔管年曾共先人遊每聞金石辨
奇字趨庭餘論猶堪來竭來作郡邯鄲道臨水肥鄉入懷抱當塗

新安先集卷十九

六

古蹟勤追尋拓破遺踪備按討示我一物光黝然制自太和之三
年重卅四斤十二兩第百六號詳鏤鐫脩短度以建初尺柄長一
尺七分積底蓋徑圍盈寸分聿稽其用在伸帛攷之古制本受辛
炙手乍熱已爛身炮烙之形慘千古同器異用存乎人嗚呼晝炊
夜行持刁斗叩金之制兼憶否盜陽疑冢七十餘三馬同槽復何
有獸心人面刻鏤工奸雄肺腑摹青銅何似長安僊掌客如鉛涕
泪灑秋風

丁雋人黃岡竹樓圖

濤聲颯颯吞瀟松晴嵐翠徹青芙蓉畫師成竹羅心胸飛樓一角
欹高峰宋賢創造特奇絕誰與繼者今丁公竹宮欲奪漢武席竹

屋遠過高人蹤有時簷溜若飛瀑跳珠白雨聲縱縱有時清籟若
碎玉打窗急雪霏三冬圍棋偶或鄰叟約投壺喜有賓客從其間
韻事難悉數畫圖一一傳音容竭來春明事謁選黃金臺下欣相
逢開筵示我行看子山光奕奕波溶溶庀材不愜瓊玕折潑墨略
似谿巒濃羨君茲遊頗清勝綢繆勞我夏茅龍夜來夢逐楚天碧
黃岡山色烟霞封

沈西邕觀察尊人山渙先生閉門覓句圖

流水繞孤村疎花落當戶獨抱幽人貞一室心太古古人去已久
冥思默不語不見門外春但覓靜中主妙理證枯禪味甘得自苦
拙之乃愈長寸絲積萬縷

新安先集卷十九

七

咎間陳燕已閉門耽苦吟萬緣謝紛雜一念窮窮澗今披覓句圖
此境如可尋空庭息羣籟竹樹交清陰山水在几席泠泠有餘音
俯仰寄遐慕明月生長林

觀察今醇儒紛綸湛經術許鄭爲詩人落筆有古色世欽柴辟亭

柴辟亭詩
觀察所著淳雅邁前哲豈知所自來淵源本先澤丹青寫遺意展

卷溪念咎泪墨兩模餽藤蘿結寒碧

絳雲樓印和沈西雝太守作

印刻絳雲樓三字宋文乾隆三十七年鮑深飲文得于吳門銘

日僊樓齊雲充棟秘冊
不隨灰飛甯此寸石

私印識書夏識圖

聽雨紀談古人圖書樓藏萬卷認紅腴天教劫

火畱餘燼曾入松談印史無

虞山有郭允伯
松談閣印史歌

家蓮生 逢甲 印譜

吾宗神駿逞風騁早歲名偕伯氏齊經訓六書相抵厚一斑餘事見紅泥

譚桐舫司馬座上晤黃孚中世丈 春麟

淵源虎榜卅年前邂逅相逢四月天入室蘭儀間馥馥開窗荷葉

正田田 譚居四公祠東偏有臨流水閣 蠅頭字細難成幅 世丈以團扇屬書為書小楷各體 塵尾

言長可著篇空說西江瞻北斗欣從荆樹溯薪傳 文為初甫先生五服弟兄今以

縣尉需次南河

先大夫棗馨館集刊竣謹紀

喬蔭傾來已十年松楸南望劇堪憐楹書識淺何能讀手澤篇戔

新安先集卷十九

八

實思湮先友編排銘古諄不材讐校衍薪傳鑄成正值艱難際潦

倒何堪慰九泉 遵命尚有宗祠義莊之舉今當竭力創始不可因循

每言僂孳是前身 先子恒自言是李奎峰先生轉世詳見年譜 造化微參筆有神題墨

纔乾呼補藥包蒙未解許窺津卅年事業徵詩史千楮箋疏待後

人敬告先靈獻芳醕九京曷慰泪霑巾

孔繡山中翰招梅伯言農部 曾亮 何子貞 紹基 邊袖石 浴禮

兩太史蔣心香水部 德馨 司馬繡谷州倅暨令姪誠甫水

部竝子雅集韓齋張菊如孝廉 士保 作圖和繡山原韻是

日期而不至者戴醇士張小浦兩侍郎戴雲帆侍御葉棣

如閣學張石洲明經程容伯比部

卅年羈春明吏隱聊自適君歸亦已久君來方似客反客忽忘主
主客懷共白葆瑛今渺矣十雙更種壁中饋羅罽羞拔釵亦不憎
子貞縱豪翰爾昏揮白雪繡谷不期來讀書神悅懌雅集勝西園
相資得麗澤顧維蒲柳姿弱質已難繁葉張遲不至倏忽幽明隔
如何不痛飲相期數晨夕

韻亭銜盃讀史圖

古人去我日已遙千載何由接几席我見古人卻不難舉杯相邀
枉咫尺古人不與今人疎無奈今人自相隔俗腸識淺臭味殊安
得性命通呼吸甚且酒食事微逐遑問高文與典冊憩亭先生古
者儔家園十畝闢荒宅蒔花種竹春復秋列架流馨永朝夕佳釀

新安先集卷十九

九

自撥瓮頭春飛觴何必招佳客嘉客招之青編中翩翩裙屐來頃
刻有時拍案忽叫絕賞汝一杯相擊節有時眦裂髮欲指罰汝一
杯浮大白忽賞忽罰皆君飲喜怒無心見天則窮幽燭隱抒特識
百代興亾歸瞬息一朝悟澈大解脫清秋酌鑑冰壺魄君試開徑
集儔侶三盃何如此中盃老我人海作吏隱鴛湖煙雨時相憶何
日歸來沾濁醪試將疑義與君析

送杜蒼齋明府還宰滇中

家聲溯元凱器局流輩百棠蔭被滇南谿達才思潤薄賦更輕徭
廉泉畱惠澤君攝安甯州篆時改輟夫馬錢糧每年比常額少六千兩通詳立案三百六十村居民各立碑石志之
拔士盡真才從軍洩奇策隨林文忠公至保山縣防堵直道在斯民攀轅更臥

轍終始節不渝三試如一日大吏爲動色刻章屢首列
恩許來京華有子隨于役文郎瀛海以貳尹分發四川偕來驗看宰衡引上

殿

天子爲前席嘉乃久任績風土飽諳歷

特詔整歸鞭

寵綸荷

新錫公卿多握手餞筵羅道側甌生甘吏隱卅載滯京國稽大不利口世情惡衰歇君獨眼垂青惠何數晨夕肝膽若清秋毀人心共微患難相扶持至性實見血然諾今季布慷慨自激裂高諒薄雲天感涕欲雪內愧突不黔曾無一樽別朔風登長途珍重寒

新安先集卷十九

十

凜凜祝君他日來五馬榮

三接

丙午八月杪得家生嚴書知患疾九月乞假歸省

五年曠定省家書盼老父只今正七十久疎萊衣舞忽然一紙來
啟緘語颯縷上言減餐飯下言諸疾苦不謀妻子不告友獨往潞
河招煙艫累累家口分南朔區區微祿本無補濯冠告祭酒脫屣
何足敷生計不及謀遑云事進取戚友色相駭謂難測肺腑或言
圖巨利或疑作老圃藉此爲辭耳豈真陟彼岵而我付一笑孰謂
人心古百事歎蝟集勞勞逐塵土夜歸檢行篋漏下輒四鼓挈妻
復及弟奴僕亦三五倉黃此長征扣舷泊水許擲錢空暗卜燕計

思割股安得承天祐未歸疾先愈

先大父薊圃公蜀道歸裝圖

管在我曾祖至性散友于爲兄代引過繫蜀竟念軀遙過卅七載
一身萬里孤我祖賴母育九熊訓編蒲學成行九卓膠庠稱通儒
一旦忽辭母促裝赴長途雲棧欽峭不知險灘峽駭浪驚簸奴丹
陽訪墓武昌賦對月聞猿發長吁叩彼獄卒向前導長跪淚浪沾
衣柳破涕語往事遠省博歡娛大府爲懸榻曹公給薪秣賈君傳
竹報母病遠相呼中腸淒以慘去住情難俱惆悵仍獨歸古木號
唳烏歸來慰護陞子春乃傳圖圖成詩就未及題哀哉長夜永不
蘇吾父繼起登賢書揮涕濡毫祖德敷友弟生孝子慈烏撫家駒

新安先集卷十九

七

太傅四辭出簡絮不枝梧否極泰斯至福乃德之符文孫克挺出
實報迺祖劬臺垣陟卿貳中外宏訃謨嗚呼今已矣墓木拱當湖
小子續煥蛤偃塞阻雲衢人海作吏隱奉職橋門趨南望念所生
七十驚桑榆忽賦家書至風燭皆堪虞方寸忽蒼亂涕泣淚欲枯
末秩棄敝屣盡室辭燕都行路洵不易所歷多崎嶇入門拜老父
一見慶怡愉筇杖仍拄壁健飯仍一盂鞠脛上壽觥親朋慶懸弧
謂當信人去其日覺清臞竭來久康復歸計一何麤不如徇微祿
擊累附飛芻赤輪當卓午炎熿無處蕪穀蠶滿簡冊蛙書甚蠹與
常恐損先澤檢點蓬窗餘展圖如對越感懷欲小攄以今例往管
省覲豈相如遠近固勿論常變亦云殊世德恩溼沒中夜起踟躕

即謝不遑寐攬此歸裝圖

齊侯壘歌追和先子作

有序

阮儀徵太傅於嘉慶甲戌得齊侯壘搗寄先子屬為攷釋

先子於釋文後系七古一首是為齊侯壘首唱追道光戊

戌太傅索取先子向所釋文善旂徧覽不可得太傅乃自

釋并作後歌有當年釋出韶夏否之句今校甲戌詩知釋

文即在詩序中韶夏實已釋出敬賦追和

憶管甲戌侍京師獲見齊壘心好之其時先子官駕部十年前已

編鸞繇儀徵最後得此器奇文手搗郵書馳寒窗屹屹事詮釋仿

古首唱齊壘詩節院和章來日下梓俯喬仰傳新詞其後又閱廿

新安先集卷十九

三

四載元老行將引疾時重來索取甲戌作父兮蒼河正支頤小子

檢點不可得遣价相謝婉致辭後來桃李颺霞舉蒼籀點畫辨蛟

螭頌南子苾謂陳頌南給諫慶鏞吳子苾方伯式芬各著論識董子貞辭無支老翁

諦觀悟韶樂悵意愈疾矜神奇復撫此壘再哦咏命曰後歌軒鬚

矧小阮簡翰忽來召脫囊親揮聽呻咿庚戌之春赴書至公繼我

公上騎箕小子楹書未能讀警校編年方補遺甲戌舊作忽新得

序文森列輝初曦當年韶夏早識出古義盡發無傳疑惟懼編詩

不早刻塵封高閣公不知九京當有起子歎傳示後人始無欺戊

戌以來釋者厭古文奇字爭豪釐對此初釋義精確恍如一畫開

軒褻包羅羣籍含萬有取之莫盡繭抽絲又如蘭亭得初搨百變

終難越範圍壘形如壺銘中兩得壘如遇挈壺兒

五月廿八日北行舟抵淮城同日遇子區二弟山泉三弟

同祖十二人今祇存十一生父忽棄捐從此數難益我年逾始衰
兄弟情愈密去日已苦多景光夏足愔與仲別六年客冬來京國
謁選已有期我正星奔急墨經過袁江匆匆與叔別三人各一方
分飛難遽合歸去泣皋莫掩事悵畢一家分溯南南轅又北轍
竭來仲書至花封得聞岐婚娶爲阿戎行踪尙契濶叔也晉頭銜
黃堂新黼黻我方渡淮來一程尙相隔淮壖暫泊舟五月忽將訖
何幸三弟兄相聚在一日乍見疑夢中驚定淚欲滴無隕別離情
相對語轉竭自分仲叔行因指予爲伯豈知皆次三三三合九德

新安先集卷十九

十三

敢言德聚星庶幾圓同月燕子來江南孤雁征塞北乍合又旋離
泥痕畱爪雪常減兩朝餐難受三伏契吾衰無能爲兩弟各樹立
抱膝吟夜分蟲聲鳴唧唧

仁齋兄以覆面來口占一絕書之

阿兄愛我筆塗雅行色匆匆別路賒相約他年林下去對牀風雨
話桑麻

謝沈曉滄年丈贈曾叔祖春橋府君詩版

并序

道光初年桐鄉夏雨村先友於永之從伯

本秦

牀下見此

詩板已間有朽爛者惻然以告沈曉滄年丈出金完補丙

戊歲年丈公車來京曾刷十部以贈咸豐壬子

旂

奉生嚴

諱南旋謁年丈於滬上以版見貽不獨爲藝苑增此佳話
實令我後人不忘盛德耳

春橋府君善擿漆曾祖行中年最少遺藁再傳甫至孫梨棗彫戕
幾莫保購訪何年遇東陽爲補刊缺完縹緗令阮寓書報我父許
完趙璧待遠將憶簪獻畫

行宮日

南巡召試名第一繪事於公遊藝餘猶動

天顏拜

寵錫詩餘淚唱鐫長蘆畫梅題記刊三吳況此多卷是全集子孫
守應珍璠瓊阮咸計偕歲丙戌印本攜來同負笈先人拜受知愧

新安先集卷十九

齒

齋盛德感淚涕欲雪八卷精能不在多七十三片珠連柯老翁慷
慨誓心許瓊包席裹寄駱駝欲寄未寄遠莫致雲天悵望銘高誼
天涯宦轍各分馳電掣光陰流水逝父兮棄養已十年雲嵐先生
亦已僊宏願欲償歎未果相逢地下應相憐嗟予所生又永謫人
海馳歸飽風雪西華葛屐苦飢驅滬瀆來遊逢父執爲話舊事卅
年前遺編訪賴夏侯賢祇今尙存桐華里陳迹奚慮化雲煙一紙
家書寄家仲桐谿風力征帆送春風識面悵已遲翩翩文采人中
鳳兩家老翁已登真兩家子弟重相親易世猶踐先世諾脫手相
贈情孔殷向非僊翁屹相守遺簾焉爲紫陽有先志久要成不尙
窺君用意良獨厚佳話從茲增藝林藏之家廟手澤新焚香再拜

告先祖以爲合族飲福乞言宗祝文

召穆公設歌

有序

銘中舊釋闕疑二字徧攷字書不可得求之文義仍以誥字爲順說文古文誥作𠄎从言肘聲既从肘是从骨月之月而不从月矣可糾舊釋之失籀文子作𠄎凶有髮也𠄎也脛人在几上也旂謂几尊者所憑子方成形當在襁褓

中轉以銘中作𠄎于義爲長緜說文未耑也卽耑也上曰未下曰杙錯謂卽耑也也微耑者如里宰以歲時合耦于耑以治稼穡趨其耕耨是也松高王命召伯徹申伯土田江漢王命召虎式辟四方徹我疆土徹田徹疆獨命召伯

新安先集卷十九

五

此雖非王命而召伯築諳治田可知甫查周禮遺人掌野鄙之委積以待羈旅詩嵩高王命召伯徹申伯土疆以時其糗式造其行言野鄙有止宿之委積故能使遠行無留滯也刺作𠄎舊釋爲刺攷薛師造設言刺祖乙伯刺公設言皇考刺公尙功皆釋爲刺云言刺公者博古錄云大公望生子丁公伋伋子乙公得以此知刺公者乃乙公之族是尙功專據刺祖乙伯之文定爲齊乙公之族子管僅以爲專指齊國而言不得施于召穆公之祖今攷李氏摭古始知所謂刺字實烈字也薛氏誤釋爲刺百于幼時見此刺祖刺公文頗疑之以爲刺字非美詞何以加于祖字

惟字形頗似刺故亦嘗从其說今按撫古遺文五屑韻所收與紕形大同小異者凡五作卅卅卅卅卅等者凡七共十二字注云列裂通又攷刺字在寘韻作𠄎求汪云竝譌刺之刺是裂與刺篆形大不同數十年之疑渙然冰釋矣詩衍我裂祖傳列祖康叔又列文辟公故又可稱列公益薛用敏以祖上一字疑爲氏族之稱故專泥在乙伯上因有此誤而阮氏仍之裂祖者詩所謂自召祖命謂康公太保頤也此穆公作殷以祀康公所謂作召公考注謂作康公之廟器是也周雖尚文而稱謂猶質其自稱稱人皆以名也故武王自稱予發周公自稱予小子且稱召康公

新安先集卷十九

六

曰保奭君奭卽此銘曰虎曰愛亦然此召穆公以家事陳于宣王非王冊命召公之文在彝器銘文中又別開一例又他器皆言對揚王休此獨言對揚朕宗君其休亦爲創見之文宗君者卽大宗也曰伯氏曰伯父皆召公一家卓箸之人可知大宗之尊亦可稱對揚古人于宗敬之至矣蓋穆公會厲圭瓚壘壘山川土田之錫今公勿設盡以自私以其土田公之于國爲野鄙之委積故曰公乃鄙積又以其田公之于族徵耜墾闢如宋范文正公義莊之事庸父者伯父之字爲伯父庸父成者蓋庸父嘗有此志而未逮今穆公爲成之也在穆公之考亦本有此志且曾命其

公積徵耜故曰亦我考幽伯幽姜命不言妣者省文也以見詢謀僉同愛當卽宗君之名其告有司而言以邑者如今祭田義田須先白縣由縣遞上之易所謂告自己不先自達于王也銘中告愛兩見有司兩見其反覆告誠之意切矣抑愛有說在家必大宗以爲可而事始就在國則私田與公田相錯其中纖悉委曲能歷久無弊與否維有司知之也審如有不安有司當白其利害定其可否故必有司曰維命而后可成考姜之命也余典勿散對者晏子曰富如布帛之有幅爲之制度使毋遷焉又禮問國君之富以下數句卽所謂典也對不作對曰之對解言其富不散

新安先集卷十九

七

與王相埒余旣一名典顯者名銘也旣以一銘銘于顯可爲典要矣因大宗璧珣之報夏銘此設以享俎祖康公當未勒銘之先事方就集在甲子之日值宣王在廟門外穆公乃備陳其事之顛末如宋范純仁以范文正公義莊規矩入奏是也旣入告矣遂勒銘以紀其事如此因系以詩

曰

自來問奇非好奇論古能信斯能疑王呼史某冊命某舉篆書轉尖褫旂對揚不顯拜稽首讀盡千篇竟一手智友先生今歐陽示我一畝世罕有我思宣王中興年平淮楸績垂詩篇釐圭錫社蹈巨舞戎公正宏彝器鑄詎知有功驟稱伐淺之丈夫豈召伯詩歌

江漢美旬宣滔滔文章出尹吉自來極盛必有衰朱門白屋相循
環藥卻狐續降皂隸古者世祿尙難延穆公毋乃鑿此意宗君伯
父同擬議莫謂疆理闢四方東遷終與文武異賢而能貧可后公
土田受錫懼慢藏野鄙委積公于國用使羈旅忘異鄉徵糶玉粒
馨于祖旁治下治推以序察器有簿正有經粵告有司載盟府志
已忻爲伯父成命亦正奉考姜行蒸嘗永棊期無出父兄衍燕暨
舅甥瞻族敬宗著爲典入告宣王勒土廟施以徵耜報以瑀對揚
宗君文創見我思刺也非美名冠于祖上似不倫偶披隴西撫古
字是裂非刺形分明用敵以來千百載承繆襲誤無人改倘教清
秘不我觀安得令我大稱悵金石同心相歡呼直諒論交非面諛

新安先集卷十九

六

主西召裂敷分陝君藩山右宏訐謨帶棠召裂歌聽訟君陳臬事
致興頌况復纒過強仕年太保勛猷期伯仲得器爲瑜壽必同前
身合是召康公天與此散隱相屬屬君及時立廟受田子孫永保
無終窮

建初三年古磚研

并序

磚左側有分書陽文建初三年四字正面上方刻云先大
父少宰公得此磚於泖口珍而藏之凡百年矣因誌以示
後人云崇禎三年口月十日崔田記時年七十有三右旁
刻當湖陸氏珍藏六字
旂皮以建初紀元者凡四漢章帝
九年後秦姚萇八年西涼李暠十二年皆有三年惟晉李

特止一年此書古拙似東漢人手筆

磚出魏晉六朝前五鳳黃龍此其偶千年不共劫灰飛楚弓楚得
長相守

江龍門明府管寧秦中紫陽有惠政其去也百姓感戀弗能

已數十里設餞君弗善飲命以茶代士民因作紫陽茶餞

圖圖成適君來都引對奉

旨佐舒制軍辦陝甘防堵因題是圖即送其行

自來餞行皆以酒君弗善飲恐濡首以茶當酒亦曾間列於餞筵
古未有未不妨創自君兩腋習習清風生管我先人任京兆識
君拔之童子軍合我兄弟與同塾他山惠我如攻玉君時好吟言

新安先集卷十九

九

志詩非常擔負期相屬洎偕子弟登覽書曰下知名名不虛觀書
往往鄙章句賈以經濟宏謨訂千言筆下治安策通知利弊百不
失鉅公捧袂各相驚挈以佐政過周勃精通韜略可從戎英夷正
寇粵之東得勝歸來冠翠羽雷封百里幸秦中紫陽地僻民飢靡
奸宄出沒盜蜂起自君來此盜賊稀設館課士民知禮秋闈校士
楷爨桐愛才情切吟賦融忽起萋菲動葵喉一朝去位何匆匆黎
庶遮道畱不住臥轍攀轅不遑處信哉直道在斯民置酒張燈逼
衢路或以折獄感公明或佩知音在鑑衡下至商旅洎惇獨羣分
類聚茶鼎烹君飲一杯一注目廉眾入口豈滿腹逾年引

觀來都門正值橈槍始南服褒才早勳

九重知

命副舒公羽檄馳朔風匹馬正凜冽木蘭從軍雙蛾眉卓犖戎功
期樹立時哉努力弗可失郭門祖餞并蕪茶但盼書來如火急

朱善驥

茶堂公次子字孔揚號子匡平湖縣人道光乙未順天鄉試舉人歷官福建福州府海防同知國史館附傳

輓卜曉岩丈

每歸粉社樂相親杖履追隨不厭頻綺夏曠懷時采藥韓歐文體
許傳薪簾金早屏經常拜蘭玉同森後有人想見春停連巷裏沾
襟雨棧此蕭辰

春風桃李最清華有客珠江泛使槎

謂學使徐辛庵先生

枚叔詞章原壽世

蒼山著作自成家綵榕夜聽南臺雨

翁曾借陳春淑先生校文八閩

畫舫時尋北

新安先集卷十九

三

墅花從此琴樽難再接祇餘造莫淚麻茶

奉懷家小雲二叔

暫別慈暉又七年起居綰綽慰康虔及門桃李牙頻建

謂陸稼堂中丞

輩葭葶火待然編定遺篇防散佚投羅文獻俾流傳卽今蛙蚓時

塵目猶為親施郢斧鐫

年來父執數晨星宗袞歸然仰魯靈夜靜一鐙常課子階森雙樹

正傳經後生無似頭先白老輩論交眼最青里黨師資邦國式期

頤長此享遐齡

題高偶耕表兄偶耕圖

羨君十畝傍澄江荷笠勸雲影亦雙笑我宦遊跡未已平生空仰

鹿門龐

新安先生集卷十九

三

新安先集卷第二十

朱善張

兩甫公長子字子弓號山泉平湖縣附生歷官江南淮

崇祀名宦鄉賢 國史館

列傳有月潭書屋雜著 志喜讀書務求實用道光壬寅乍浦不靖請於邑令首倡義

旅分布四門寇不敢犯是年邑大饑捐賑活人甚眾在軍撫

循士卒嚴而有恩所向克捷任淮揚道三次嬰城固守旋帶

兵克復清江浦發粟濟難民任淮徐道諭民堅壁清野賊無

所掠平居以濟人利物為懷鄉人避難北渡相依舉火者以

百計其徙他邑者亦 濟之至今人猶思焉

錢振倫贈右都御史朱公墓誌 公系出婺源自其本生曾

而孝義先生始居平湖考為善有譽庠序為阮文達高弟官

終贛縣知縣公播染家學早孤善事母友教其弟以諸生率

義旅守鄉里起家南河通判進裏河同知擢淮揚道未幾改

并為淮徐揚海道而終於任咸豐以後粵逆與捻匪分擾于

江北之境而奸民亦乘時起故厥歷諸職而時在行間及揚

新安先集卷三

賞庫 城再陷髮逆陷天長撲蔣壩公馳往拒之噫其會

木勒濟特依巴圖魯名號異數也九年四月四糧狗陳逆撲

揚州公方駐揚亟置礮四門為備賊環薄欲斷糧道而援巨

礮擊斃賊目十餘人賊駭曰紙糊城如此難破耶既而以師

併集賊于七里店秋冬間賊麇至聯營至司徒廟巨百餘

里公晝夜守陣率厲將士多所斬獲賊始退蓋禦粵寇以保

揚者如此同治紀元涖任徐州用堅壁清野法僧邸圖攻孫

瞳老巢公率埒練以從破之于棗溝二年降練苗配林據下

蔡叛圍蒙城時公會辦徐宿軍務知蒙城餉絕輸粟助之邸

營大集復派隊為後勁苗逆伏誅徐方以安蓋禦捻匪以保

徐者又如此公內行旃篤沒不念親善屬文前後校刊家集

甚夥自餘政績不備書哲嗣之相等以振倫與公從兄善集

為同年友且舊史氏也乞為文子四人以振倫與公從兄善集

宗稷辰贈右都御史朱公墓表 君承家世樸學力兼經義

治事值海上不靖乍浦告陷集義旅守鄉邑估船不敢犯大

吏遂任以浙西善後事紱南河通判咸豐初粵寇入江日理

防務嗣擢淮揚道駐揚撫綏凋敝民漸望治同治元年兵備

徐州以堅壁清野辦賊未幾僧邸率諸將來會勦苗逆誅餘

賊奔徐方以安戎事小息夏清案牘與教化日以朱子小學

誨士風尚為之一新蓋其盡力於撥亂反治者其功最如此

先是咸豐中議招流民開墾徽山湖於丈量之輸租濟餉人日聚而爭利凶命多匿跡其團躒絡百數十里自浦至魚臺戶口以數萬計君先請設官分轄未定而新團匪醜仇沛人殺傷過當三年七月會營勸之破兩圩勦治千人而沛人控愬不休君憂其急之則聲速任之則患滋驅除難感化尤不易肝鬱結而成毒疽八月望疾甚時猶誦陽明先生身可益民甯論屈心存經國未全灰之向其遺旭以國事未盡平治民生未盡緩和爲念而有母耆年未能終養弟輩盡忠盡瘁代子職者惟屬諸孤痛可知也君有貞廉之操寬裕之度損衣節食不怠爲秀才時其濟人念已任事忘身皆發乎性眞無所勉強以文吏治軍旅枕戈十年可謂能立王功活生人者矣君嘗年在京邸嗜余文近始移書訂交卒未得面盡懷抱以故人梅伯言邵位西皆逝至屬身後之文於余余何忍離耶

渡鄱陽湖

朝挂南昌帆暮泊柴桑里一日數日程僥倖非常理

偶成

新安先集卷二十

二

閒尋流水到溪前靜坐溪頭意惘然始信尋原非易事惟將雙足濯潺湲

春草

春夢覺池塘春風百草香乍添苔砌碧遙襯菜畦黃農事一犁足客心千里長生憐雙蛺蝶飛趁落花忙

東湖雜咏

笙歌簫管蕩中流恍似鴛湖八月秋曾記采菱人共唱夕陽低挂弄珠樓

花落鶯啼水一灣當年香墨點苔斑十杉亭子今零落不見詩人

陸義山

報本塔望雪

衝寒攜酒入招提塔影凌空四望迷
飛鳥不知天遠近行人難辨
路東西天寒
蒲屋炊煙散歲歉湖田凍雀啼
撫景無端增感慨消
愁爭得醉如泥

交道惡

車笠寒交道惡仲連先生徒落落
驅車燕趙郊十月草蕭索青絲
縱可買平原不可作何由論交情
且進流霞酌君不見當時刎頸
重交游陳餘血濺張耳幕

少年行

鉅枹碧瓊青花驄
敝家結客咸陽中
玉鞭指徧青樓道
劍花落月

新安先集卷二十

三

青英顯丈夫從來重許人
報仇那惜千金身博浪沙中膽如鐵
白虎蹲伏不敢瞋一朝釋褐辭青壠
解衣推食蒙殊寵凌煙爭拜將軍
樹羽扇同揮白玉麈回視五陵諸少年
紛紛輕薄何足數

車遙遙

蕭蕭白馬黃金輅行人鞭指天涯路
門前春草綠年年靜倚窗紗
看玉兔車聲杳渺還無期吁嚟世路多險巇
空山猿狖相悲嘯
但歌獨唱無同調紫陌緇塵染客衣
相思含淚人未歸願作鈴網伏
君軾從君萬里隨君側

晚泊東湖納涼

爽氣西山透澤阿東湖湖畔晚涼多
池荷擎雨團明月蒲劍迎風

剛繁波遠寺鐘聲三徑度隔隄渙火一星過寄身塵外渾無事漫
聽渙歌又權歌

擬古

良時不可再愛此春風舒階下發幽蘭門似隱者居適志聊一醉
所樂非求餘達人貴知足逸致應何如

贈渙者

一竿一笠漫垂綸獨立蒼茫古渡濱萬里白鷗波浩蕩江天誰識
釣渙人

羈旅行

出門惘惘成天涯栖皇客路白日斜壯游千里不辭遠男兒何事

新安先集卷二十

四

重離家離筵忽奏傷心曲絲管啁啾泣寒玉座上歌成行路難悽
不成歡慘童僕家山一別事長鞭匹馬伶仃夕昃前征衫白袷凝
秋色何處青春不可憐行行不覺征途苦折取柳枝淚如雨高堂
獨夜坐長歎燈前歷亂聽津鼓連天碧草綠春陽車前轉瞬華飛
霜蛺蝶消魂鶯燕別雲山悵望心茫茫寒蟲入夢咽荒露起視長
空走玉兔明月無情破客愁青雲未俗扶搖路回首江鄉隔鳳城
天河迢遞怨盈盈越禽代馬影形共塞北江南魂夢驚飄泊人間
羈旅客落拓一生空踟躕丈夫稱意古來難一區寂寞揚雲宅

對月

三秋涼月白髮我讀書堂天地無今古謳吟續短長人情噴走馬

世事歎亾羊願與蟾蜍約清光莫麗牀

夜坐吟

玉盤團圓貼地白明星燦爛雲容碧羅幕波生風倒吹影閃寒燈
射窗隙

題貝多葉爲唐萸庵茂才作

拈花合向西方笑繡佛還依斗室中我欲移家嵩少去極巔跌坐
聽秋風

緇成魚唄字千行梵筴曾誇選佛場君是前身迦葉侍降塵猶得
寫雲章

登葛嶺

新安先集卷二十

五

結屋徬西湖時聞風際磬秋氣日蕭森登臨藉適性鼓勇極其巔
一呼眾山應翔高鳥自飛俯矚湖如鏡疑有風雨來歸雲失樵徑

從軍行

夏雨肆惡吹長鯨海天連夕烽火明羽檄交馳驚我百將軍烜赫
來奇兵間閤久享恬熙樂何意突來鼙鼓聲不才疇管懷壯志橫
腰寶劍中宵鳴願領一旅作偏將樓船橫海事遠征縛取長纒除
邊患萬里開拓受降城宵旰冀得紓

宸慮丹青不計書姓名君不見世上男兒正及春慷慨馳驅能幾
人請君先唱鏡歌曲奏捷歸來日未曛

詠史

將將氣何雄平城計轉拙如何十萬師萬里可橫絕亘古重守邊
所用遏奔突廷臣未審時和親事竟沒徒貽後世譏相登豈毫髮
賈生闕下言侃侃論經國太宗采羣議志在弭兵革要知豺狼心
非以恩可格既乏懷遠謀復損漢家則詠詩至太原禦戎有上策

九峰題壁

逞戈前日事吾道幾人存海澗月先上潮來山欲吞輕舟浮一葉
濃霧鬱連村不盡古今感狂歌寄酒樽

諸友餞余北行作此畱別

湖上開樽醉綠醅九峰山色長莓苔風和日麗尋芳好燕語鶯啼
別緒催微祿承歡知略分一官求治懼非才臨歧珍重情何隄

新安先集卷二十

六

矢冰心不染埃

伯兄建卿北上仲兄子良銓授福建順昌令同時相晤於袁

江官廨真十餘年未得之樂誌以詩

鋤經堂上書千卷文字疑難互析辨秋日聯翩聽鹿鳴嗟予獨漏
青錢選壯志馳驅自海濱願提三尺靖烽塵書生一旅衛鄉國不
似當年問字人何幸微勞登荐草炎天匹馬長安道南北書來無
別言傳家忠孝勗爲寶雁飛久作幾行斜忽焉相見天之涯何日
林泉歸計浹耦耕從此話桑麻

戍樓夜坐

城郭夜迢迢靡蕪廿四橋自攜一樽酒坐月待寒潮

蕪城春望

驛使衝寒發，登高一望遙。
海門潮有信，瓜步雪初消。
生意春還轉，東風力太驕。
遺黎猶菜色，不敢問歸樵。

玲瓏山館

歷劫荒烟後，斯園尚有名。
我來懷閣部，詩興接宣城。
江畔葭梅發，春和百草生。
繁華如夢裏，依舊囀流鶯。

守陣示諸將吏

朔風夜氣森刁斗，聲淒寂，狂氛不易摧。
相持在咫尺，丈夫志四方，何爲畏鋒鏑。
此郡三甃餘，戰黎未歸籍，有志尙招徠。
鄰境又傳檄，激之以忠義，能使頑者格。
上下咸一心，致力或當百，三旬賊未去。

新安先集卷二十

七

辛苦忘晨夕，雁陣忽驚寒。
漫漫霜月白，劍氣冲牛斗。
鼓聲震山澤，兵法戒輕進。
我長在堅壁，久困氣自衰。
以逸逗搏擊，古者名將材。
要在審主客，我來幾年筮。
幸減徭役，無術起瘡痍。
滿腹痛兵革，媿負。

簡再浚尸絜未，譴謫所冀同。
枹人補過能，求益先事念。
化離撫時尤惕惕。

與子同弟作

燕臺曾記拜除書，薄宦匆匆兩鬢疏。
歸計未如萊子願，十年戎馬憶田廬。

庚申九月書事

傳來海外鯨氛惡千里徵兵寇已潰誰繼晉文河上業漫尋楚客
澤間吟平生肝膽空揮淚世事艱難託解智忠孝幾人能不愧虛
言祇恐負初心願以淮揚所部北行請於署漕帥不果

一絲無補汾陽後雙鬢愁看萬慮牽滿地瘡痍疏治術極天兵甲
又經年愧非國手療時病徒使閒身縻俸錢時道破奉赦余仍倉勇號俸壯志
涓埃酬未得那容衰笠老漁船

間雁有感

風急滿天秋征人倚戍樓江南悲失侶季弟善實守常州胸節薊北隔良儔
拭眼看黃菊驚心漸白頭吾生媿無補徒為稻粱謀

迷懷

新安先集卷二十

曠土紛爭枉殺傷偏師深入見壺漿聯營落日旌旗色一路秋風
稻麥香政重招徠勞撫字時清舉鎗自循章疴沉愈覺身無補歸
夢東湖舊草堂

朱善鳳

兩甫公六子字子清號芝卿平湖縣附貢生歷官象山縣教諭 卹贈內閣侍讀

將進酒

壯志未伸氣莫墮飲酒未醉杯莫停古人一飲三百杯壚頭沉醉
不願醒烹羔羊椎肥牛佳會難再得韶光不可留少年行樂須及
時安能佛鬱待來茲將進酒不須辭典我青羔裘同消百年愁人
生有時盡醕醑不可求

雪後東湖野望

雪花一片望中迷
漢子移船泊小谿
羨爾賣魚謀一醉
不知蓬背雪如泥

白蓮花

盈盈出水帶晴煙
十里清香沁玉泉
粧淡每遭明月妬
波恬時許縈鷗眠
秋風曲恐佳人唱
白雪歌成郢客憐
羅襪臨塵不染江
皋遙望碧雲天

畫馬

展卷心驚走驕驥
輕蹄峻耳兩瞳方
倘教汗血應千里
直負雄姿跨八荒
相馬無人甯減色
持金買骨笑難償
若逢風雨須珍護
莫使騰驤上碧蒼

感遇

朽麥自無情
胡爲化蝴蝶
盈盈粉牆飛
花鬢扶玉頰
秋風折金柯
滿院戰黃葉
回憶本來時
中心不自愜

送楚卿弟赴袁浦

骨肉忽分手
迢迢作遠行
愴懷今日淚
努力盛時名
風雨孤身冒
波濤一葉輕
閒關應自愛
好慰倚閭情

書懷寄大兄都中三兄袁浦

寒雨木末吟寒飈
入箏疾寒燈焰閃閃
寒窗人影一坐思
連理枝千里形難暱
代馬朔風嘶越禽
唬羅罽荆樹花不肥
下血殷于棗憶管領
提撕心胸豁生苗
時持黃金簡聞見爰
茲質鳳也愧不才

學荒鮮著述入奧未登微館崖不立舉魯宴值周流元方去蓬室
飛驪莫能留驚蹄苦奔軼同學都攀龍沅花水空汨跡弛累乃崇
豐城氣逾瑟仿惶寢會念湧沱涌沱滴晨暝潛悲辛出入登繫疾
天門詆蕩蕩蒼茫憂鬱嶮人事固都乖處之允有術齊魯了泰山
未入不知律溟勃勢曼羨盲者反呵叱小年忘大年志士愧而栗
由來百工居市肆矣啾啾

帝鄉萃羣才長淮羅枳橘友暨衛賜須磨琢士之炳列觀古大賢
前型堪究悉潦倒首稽盤畢生徒抱膝近墨安能朱生麻或不佚
獻歲麗春陽思欲策皇騎吳楚方枕戈黎元待振卹將見春風和
萬物忻榮實我壯未成名感時淚沾臆

新安先集卷二十

十

題王芑亭廣文

逢辰

槐花吟館圖

奚囊佳句感相投妙筆通神迴不猶傳世文章贄父子

尊甫心耕先生新著

竹里秦漢瓦當文存

擁城圖史小諸侯蕭疎水石平泉里飄泊琴書不繫舟

別後等身饒著作滄江煙樹使人愁

時余有遂昌之行

朱善寶

雨甫公季子字子玉號楚卿平湖縣國學生歷官江南江甯府督糧同知守常州陣亡雲騎尉世職入祀昭忠

祠國史

館有傳

江南忠義錄朱善寶字楚卿浙江平湖人官江甯南捕通判成豐十年三月署江甯督糧同知僑駐常州時句容溧水

先後陷賊當道棄城南走善寶嘆曰毘陵爲蘇浙門戶毘陵不守則蘇浙瓦解矣我雖無守土之責義當與城存亡也遂

勵眾登陴拒戰殺賊以千計四月五日賊攻益急善寶知事不可爲是夜賦詩云狂風已斷悲筳曲落日空揮寶劍光惟

有丹心終不改猶能殺賊成戎行明日城陷戰於青果巷身被十餘創遂遇害幕客徐小庭家丁王福馮升皆炊焉

絕命詞

羣公撒手棄金湯我強登陣暗自傷力竭豈堪酬
聖主魂歸何忍見高堂狂風已斷悲笳曲落日空揮寶劍光惟有
丹心終不改猶能殺賊死戎行

新安先集卷二

七

先本生高祖含叔公云詩不可刻刻則欲改實難先世之刻是集
慎而又慎今之榛彙刻六世之詩先訓所在豈不敢稍涉麤疏咎

阮文達輯兩浙輶軒錄采取我高曾祖昆弟至九家之多之榛無

似學步一實唯名德不彰是懼迄今校讀累番隨事見志愷悌和

平乃知吾家流澤綿延得至於斯會舊誦清尤兢兢焉先總憲府

君舊有月潭書屋雜著一卷詩不多作亦隨棄之榛歷年蒐錄

僅得三十餘篇合兩叔父作為一卷附刻于後開雕始癸酉仲冬

訖工于次年季夏乞江山劉彥清先生履芬謹填家諱而校讎考

訂又賴之以葺事吾弟之榘堂弟之榘之模景賢分校成帙序

目凡例另編卷首而之榛為志其末同治十三年六月之榛謹識

新安先集 後跋

於蘇州寶蘇局公廨



